

## **Mawqeena**

### **Kukti ixximak 1265/2021 Itiyopiyal agatak Mabbalow komishinh solsih/xisoh kuktih galik 13879**

Kukti ixximak .1265/2021

Itikyoppiyak agat sittingeyih komishinh solsih kukta

Ityoppiyal geytinta baxaa-baxsale siyaasa kee mabla miracwaay tonnah ayyungi exxaaxil kaxxam rakiibok tan caagiidal mabla baxsa kee sittin-way elle yambulleemih taagah , tama baxsa kee sittinway yafdigoonuh agat caddol bar leh tan ayyungi walalitte addat ley gabat agle leh yan gitah akah gexisan innah agatak sikttingey /geysis ginaanam faxxinte.

Kaxxam rakiiboh tan agat caagiidal inkih yasgalle agat walalitte gexisaanam yayseh yan agat sittingey xisoonuh, gexsitil aamantiino kee sittal xayyoowak taamitaanamih qaada maqqaroysoonuh, tonnah salacak temeeteh tan ayyungiino nahiritte yaqusbusoonim faxxintaamih taagah. Agatak mabbalow gexsit yaysissikoonuh xiqliisa siirat madqal baarisaaanam faxxintemik amakkaquk,

Agatak mabbalow oggol kee aamantiino taalluh kaa xiqsissa caagiidak tiyakteena mabbalow koobahisah, miraacisa xagar dudda kee malakmisiinul abaanam faxxintek sah, walal dudda kee malakmisoonul miraacisonuh tonnah koobaahisonuh xiqliisa baar le oggol leh tan xisaanam faxxiimak maacisssemik amakkaquk.

EFDR doolatih madqak maasayyak 55(1) ammakkaquk ciggiila gurrel kuksime.

1<sup>haytoh</sup> exxa

### **Amolladi wannoonu**

#### **1. Ux-ammunta**

Ta kuki "Itiyoppiyak agat mabbaloowih komishinik xiso kuktih ixximak 1265/2021" axcuk muggaqsimam xiqqimtah.

#### **2. Maqnisso:-**

Qangarak maqna gersi maqna teceeh akke waytek ta kuktih ixximah addal :-

1. "Koomishin malah buxa" yaanam inkii tan agatak mabbalow komishinerwa adoytiinuh le komishin malah buxa kinni,
2. "komishiner" yaanam ta kuktak maasayyak 12 amakkauk Afteena xayyoosul ummattah awlaytiitih malah buxal reedisan agatak mabbalow komishinii komishineer kinni.
3. "agat mabbalow" yaanam ta kukta kee komishinerwa malah buxa tayyaaqu wayta miracsentak amakkauk baxsintu wayta ajenxal sissin xagortih gitaa walal elle yakkhu komishin malah buxa fedaal kee raklaakayittel sahhiloysan walalitte kinni.
4. "Rakaakay" yaanam Itiyoppiyak fedeeraliyyo dimokraasih repupliik doolatih madqak maasayyak 47 amakkauk xissiime rakaakay kinnuk , Addiis ababa kee Derridawah magaal ah xiinisso edde anuk yaanam kinni,

5. “Walalise” yaanam federaal kee rakaakayal gexisan agatak mabbalow gud-guditte miraacisuh komishinerwa malah buxa madabta faxe num yaanam kinni.
6. “Num” yaanam Gino num akkek madqal numiino gaar akah yeceen xagar akke yaanam kinni.
7. Faxe lab numih nadol wannottem say numih nado wagitta

3. **Agatak mabbalow radmooma :-**

1. Agatak mabbalow kee amolladuh komishin taamoomi edde mirracsinta nahiritte ciggiltam kaa:-
  - A. Asgalliyya (asgalloyta)
  - B. Qidiinu
  - C. Aamantiino
  - D. Sittin xiiq kee sittin assakoxxa
  - E. Sababiino
  - F. Tate mablah abbinosih cubbi-abiyya
  - G. Malakmisê sahhilos
  - H. Ajenxak addatinu gitaliino
  - I. Dimokraasi kee madqa daga raaqiyyo
  - J. Agat tuxxiq
  - K. Agatak, qaadah ixxiga kee nahiritte xaqoysimanama.
2. Komishin malah buxa faxxintah axcuk elle yaamine nahiritte ossotinah edde haam xiqqinta.

## 2<sup>haytoh</sup> exxa

Komishinik soolosiyyay, hadafay, xisney, abto kee Abbootan:-

### **4.soolisiyya**

1. Itiyoppiyak agatak mabbalow komishin (tahaak widir “komishin” axcuk muggaqsima ) faxe siyaasaay gooriy, faxe doolat akkek gersi xagarih xukkok currik yan iss xiiqa gaanuun numiino le xagar akkuk ta kuktal xissiime.
- 2, Komishinik seecimeena ummattah awlaytiitih malah buxa akkele.

### **5.leena maktaba:-**

Komishinik lewanna maktab Addiis ababa akkuk faxxinteh tenek gersi rakaakayittel luddi kutbeh buxa yaallu xiiqah.

### **6.Komishinik hadaf:-**

Komishin ciggulta rakiiboh tan hadafitte allele:-

1. Baxaa-baxsale ayyungi exxaaxih fanal rakiiboh tan agat caagiidal toofeh tan baxsitte muhimmik tan sababitte baxisak walalitte elle gexisan ammunitte baxisak mabbalow akah elle yakke innah sahhiloysaanama.
2. Gexisanah yanin agat mabbaloowittel assagalloyta leh, duddaleeh malakmiseh yan xagarat mirracsimah, sittin wayak ugtuma cedu le gurral daffeyisak ajenxal cubbileeh, qadob yan gex-gexsit siirat miraacissaah, mabbaloowuk xalootitte abnisoonuh xiqsissa ekraaro akah yallen innah abak xaloot le agatak mabbalow gexsit abinal asisaanama,
3. Gexisan agatak mabbalow sissin ayyungi exxaaxi kee doolat kee ummatta fanal yanih yan angaaraw yaysiisonuh, aamantiino akak maqqarowteeh, qusbah tan siyaasa siirat ginniimuh xiqliisa gital walal akah gexisan innah siirat baarsaanama,
4. Mabbaloowuk geytime calli le tate mablooli taamal akah assa innah qokol abak agat xayloh fanal tonnah doolat kee ummatta fanal aamantino akak maqqarowte dimokraasih siirat baaxo caddol akah xissiima innah xiqliisaanama,

5. Sanoota fan caddook caddo fan amaatuuk suge adda taqabitte walalal yafdigoonuh xiqsissa siyaasa qaada diggowtu kee dimokraasih siiratih xisne sahliinol diggoysak ginaanama,
6. Wakti taqabitte sarrino le gitah afdiiguk aamantiino le salaam edde arcima siyaasa kee ayyuntiino maqqaros sahhiloysaanama.
7. Agatak mabbalow kee maqr le oggol leh yan agat xisoonuh diggale rakiiboh makro kinni.

#### **7.Komishinik xisneena:-**

Komishin :-

1. Komishin malah buxa
2. Leena komishineer
3. Ciggila leena komishiner
4. Ku/buxa
5. Faxxintek makaado kee
6. Faxxinta taama abeenit allele.

#### **8.Komishinik taama dabaan:-**

1. Komishinik taama dabaan 3 sanat kinni
2. Faxxiimak maacisek komishinik taama dabaan Ummattah awlaytiitih malah buxal yayxeerenim xiqqintah
3. komishinik taama dabaan akak lowwimam ta kuktak amakkaquk komishin komishinerwa edde reedde waktiik xabba haanama.

#### **9. Komishinik abtoo kee abbootana:-**

Komishin ciggiltah tan abtoo kee abbootan allele:-

1. Walal sahhiloysah, abnissaah, sissin kusaaqitte gexsiisaah, fayi mabloola racissa makaado kee mihratleela butta xisa.

2. Tahaak dumal doolat takkuu doolat akke sinni xisneenal tekke agatak mabbalow gexsisitte kee geytime xaloot kusaaqisaah, fooca fanah gexisan agat walalitte satqiinoh yantifiqe,
3. Sissin siyaasa kee mabla mirocti tonnah ayyunti exxaaxih fanal agatim kinni caagiidal yanih yan baxsitte kusaqaal, ummatta walalitte akkek gersi gitaliino le gitittet antifiquk baxisa,
4. Ta maasayyak lani maasayyak 3 amakkaquk baxxaqinte cogdaadil baxiseh yan caagiida rakiibo abak mabbalow ajenxaaxi mudaah, mabbalow akah elle yakke innah sahhiloysaah, mabbalow kee walalitte faranisa,
5. Inkih tan baaxok baxaa-baxsale ayyunti exxaaxi kee xagortih awlisseenit edde tangaleeh, agatak mabbalow akah baahan innah xiqsissa sissin mabbalow daffeynaani federaal kee rakaakayitte caddol akah gexisan innah sahhiloysa,
6. Agatak mabbalow koboxut tangale xagortih qadob tan kibentitte kee gex-gexsit siiratak amakkaquk baxisa,mabbaloowut akah yangalen innah aba, Tah wagsiisa rorti miracsenta yayyaaqe,
7. Mabbalow komishinrewa akkek komishinwa malah buxa muggaaqissa walaliseenitih gitaak akah miraacisan innah aba, walaliyyah madaban mara xiqqimmita caddol ta madqak maasayyak 13 tescessime komishineerinnah xiqsissa kibentitte kibaanam keeh arcisa,
8. Walal gexsitittel yakke walalak guumi kutbe yabbaxiseeh, xayyowyte tate mabla maqqarossaah, sittalel komishinerwa malah buxal xayyossa mihratleela madaba,
9. Kutbe buxak adda gex-gexsitih siirataay, mabbalow ajenxaaxi akkek ammunitte edde meexaanam wagsiisaah, agatak mabbalowut tangale xagorti edde baxisan siiratihbaarisiyya kee toobisle abinitte gexsisoonuh xiqsissa adda xintiite kee miracsentitte yayyaaqeeh, taamal asisa,
10. Agatak mabbalow koboxih ajenxaaxiy, mabbalow gexsitiy, mabbaloowul geytinte tate mablooli kee tonnah tate mabla abinal edde assu xiqta wale baxxaqisa sanat bicisak ummattah awlaytiitih malah buxaay, abnisa xagorti kee gersi caagid wagitah yan dolat xagortil xayyoysa, ummattah qaddoyhsa,
11. Doolat agatak walalittek geytinta tate mablooli abinal assam xiqtuh qadooh axmaqle ekraaro akah bica innah faxxiimah yan catiyya abah.
12. Tû-mabul mabloolih abnisso kattaatu xiqsissa siirat baarisa,

13. Hadaf arcimuh faxsissa gersi abtoota gexisa.

#### **10. Komishinik mala buxah daffeyna:-\**

1. Komishinik mala buxa adda gex-gexsitih xintak amakkaquk madabiino daffeyna gexisa, Takkay immay faxxintek komishinik leena komishineerih seecol akkek komishinerwa fanal 50+1 komishin komishinerwa essero xayyossa wak faxe uddur amok-rada daffeyna gexisaanam xiqqintah,
2. Komishin komisherwah fanal 50+1 daffeynal geytintek kibnele kobox yakke.
3. Komishinik margaqa komishin malah buxah adoytitih sittingeyil takkeeh, laakin sittingeyil madqoonuh sittingey elle gufe weenik margaqa komishin malah buxal geytinte komishinerwak muxxi xongolol taturta.
4. Komishinik margaqa mattacaynol xongolo inki gidel kurruumeh yenek gaaboyse xongolo baxsale muhimmat(doori) allele,
5. Ta maasayyah wannoni elle daccarsinte innal anuk komishin malah buxa isi daffeynah siiratih miracsenta yayyaqem xiqqintah,

#### **3<sup>haytoh</sup> exxa**

#### **Komishinerwa wagsissam:-**

#### **11. Komishinmerwa :-**

1. Komishin 11 takke komishinerwa allele,
2. Komishinik Leena komishiner, Ciggila Leena komishiner kee gersi komishinerwa ummattah awlaytiitih malah buxal reedda,
3. Ummattah awlaytiitih malah buxa Reeda margaqa akah yaceem xayyowta faxiteenit ta kuktak maasayyak 13 gubal daffeyte kibentitte kibaanam keeh arcisak akkele.

#### **12. Komishinerwak muggaqsa:-**

Komisherwak muggaqsi ciggila gitah akkele:-

1. Ummattah awlaytiitih malah buxak afteena kutbeh buxa faxitil tan komishin adoytit ummattak, siyaasa massoynaani kee Siviik eglaalih komishiner takku xiqta canka xagortik ascossa hirigta,
2. Ta kuktak maasayyak 13 gubal daffeyte kibentittek amakqaquk yescessen marih addak daggowwutek 14 takke komishiner takku xiqta faxiteenit baxisak faxiteenit rorta ummattah qaddoysak, afteenal xayyoysa,
3. Massoysan faxiteenitik rorta nado kee gersi mangintinaane baxxaqsitte fantena abtam takkem faxxinta,
4. Majlis Afteena anaakarta siyaasa massoynaaniyy, Sivil ayyuntih missoynaaniyy, diini xisneenah koboxih mirocti kee awlisa lih xayyowte faxiteenitil walal gexisa,
5. Afteena ta maasayyak lani maasayyak 4 baxxaqime walal abek gamadal xayyowte faxiteenitih fanal faxxinteh tenek yaakume komishineer, ciggila yaakume komishineer kee komishiner akkuk tayfaafu xiqta faxiteenit ummattah awlaytiitih malah buxal akah reedan innah xayyoysa.

### **13.Komishineerinna fan xiqsissa kibentitte:-**

Faxe komishineer akkuk reeda num ciggulta kibentitte kibam faxxinta:-

1. Itiyoppiyah baxa yakkeemi.
2. Inkih tan Diinitteey, Itiyoppiyah agat kee agattiinaane ummatta inki intih abaluk yayfoofe
3. Faxe siyaasa missoynah adoya akke waama,
4. Agatak mabbalowul ambad le macal abu xiiqa num yakkemi,
5. Meqeh yan meqem kaban kee binaadamiinole num yakkemi,
6. Ummatta xaqlu aamantiino le num yakkemi.
7. Qilsih yan baatilih malkimeeh qellatiini margaqa elle akke wee num yakkemi,
8. Komishin taama gitah abuh xiqsissa kibnele dudda le num yakkemi,
9. Inkih yan wakti komishin taamal asisuh fayxile num yakkemi.

**14. Komishinerwak Qasbi kee tuxxiiqitte:-**

Komishinerwak qasbi kee tuxxiiqitte Doolatak fayyale reedonuh idnisen qasbi kee tuxxiiqitte gitah abbinowele,

**15. Komishinerwak gaar kee dirki:-**

1. Faxe komishiner ciggiila garitte allele:-

- A) Malkime way gaar ummattah awlaytiith malah buxal kaak ugte weeh akkek gaba-gabah geytimeh akke waytek komishineerinnul yayfoofeh yan uddur Baatilih malkime way gar le,
- B) Komishin malah buxah taamal currik yangalem kee xongolo yaceenim
- C) Taamah faxxintah tan sanaditte kee gersi tu-xiqa oytitte geyam kee wagitam kee
- D) Komishin malah buxa madaqu waa gitaliino le makaado taamoomi kee gersi taamoomit yangalem.

2. Faxe komishineer ciggilta dirkitte Le:-

- A) Komishinik abtoo kee abbootan elle faxxiima caalatal yagdubem
- B) Inkih yan wakti komishin taamal assaama,
- C) Tuxxiq boodih raaqisiyya,
- D) Taama gexsitol geyah yan sirri dacrisaama,
- E) Komishinik malakmisiinuuy, Meqe migaq kee seemat bayissam kee xalootiinut adaf takke abtootak daccarsimaama,
- F) kalah yan komishinik siiratit kee xintitte yassakaxxeenim.

**16. Komishinerwa abbootanak edde ugutta caaloota:-**

1. Faxe komishiner ciggilta caalootah abbootanak ugutam xiiqah:-

- A. Biyak sababah, madabiinoh abto gexisam xiiqe week,
- B. Qadob yan duddi dagna kaat tumbullek,
- C. Gibdih yan meqem kaban nakusi kaat yumbullek,
- D. Xiiqa sabab sinnim sittal katayta 10 takke ayroora taamal geytime weeh yenek, akkek
- E. Ta kuktak maasayyak 13 gubal tescessime kibentitteh addak reedah uddur komishineer kibe waa kibenti yanim arcimtek.

2. Ta maasayyak lani maasayyak (1) amakkaquk komishineer abbootanak ugtam faxe geysiisenta le numih esseriyyal xayyowte assabalta aamantiino le axcuk afteena oggolak ummattah awlaytiitih malah buxal tatusan essero akkek 1/3 daggoowe sinni ummattah awlaytiitih malah buxah ugtumal akkek 3 (sidocuk) daggoowe sinni komishiner wah esserok amakkaquk ummattah awlaytiitih malah buxa tatusa margaqal akkele.

**17. Abbootan isinni fayxiik cabaanam wagittam:-**

Faxe way abbootan isinni fayxiik cabam faxe komishineer 2 als a kutbeh taakume maabitina komishiner wa malah buxa kee ummattah awlaytiitih malah buxah afteenal acayuk cabam xiiqah.

**18. kalah yan doolatiini abbootan:-**

Ta kuktak maasayyak 16 amakkaquk abbootanak ugteh akkek maasayyak 17 amakkaquk isi fayxiik abbootanak ugte kumishineer 2 sanat gersi doolatiini abbootanat gabat agle mayalla.

**19. Komishineer ciggiilisiyya (aracat raaqisiyya):-**

1. Ta kuktak maasayyak 16 kee 17 amakkaquk komishineer abbootanak ugta wak akkek cabah waqdi hinnay rabi sababah baxsima wak ta kuktak maasayyak 12 amakkaquk afteenah ruuben faxiteenit rortih fanak komishineeriinuh reede wayte faxiteenitih addak arac ciggiila komishineer akkuk ummattah awlaytiitih malah buxal akah reeda innah aba.
2. Ta maasayyak lani maasayyak 1 wano elle daccarsinte innal anuk masquuliyatak ugteh akkek cabah akkek rabi sababah baxsime yaakume komishineer akkek ciggiila yaakume komishiner edde yakke waqdi reedde komishinerwak akkek faxo qambalta komishineer wah fanak doorak akah reedan innah afteena ummattah awlaytiitih malah buxal xayyoysa.

4<sup>haytoh</sup> exxa

**Komishin malah buxaay, yaakume komishineer kee kutbe buxa wagittam**

**20. Komishin malah buxa:-**

Komishin malah buxa inkih tan komishiner wa adoytiinul gubat le.

**21. Komishin malah buxak abtoo kee abbootan :-**

Komishin malah buxa ciggulta abbootan kee abtoota allele:-

1. Ummatta walal elle yakke ajenxaaxi rortal cafafak walal elle yakkem madqaanama,
2. Makaadoh bicteh xayyowtam kee ummatta walalak geytinta tate mabloodi rortal cafafak cagguudusak ummattah awlaytiitih malah buxa, abnisa xagorti kee gersi wagsiisah yan doolat xagorti akah xayyoowak faaticisaanama,
3. Kutbe buxak sanat baajet kee ekraaro fokkaaqak faatacisaanama,
4. Kutbe buxak amolladi gabbaaqua fokkaaqak faatacisaanama,
5. Faxxinta makaado xisaanama,
6. Rakaakayittel kutbe buxak luddi kutbeh buxa akah xissinta innah madqaanama.
7. Kutbe buxak oxiit geyto fokkaaqak faatacisaanama,
8. Mala buxak yaakume komishineer kee ciggiila yaakume komishineer inki waqdi taamah aracal sittal katayta 10 ayroora geytime weenik adoytit fanak elle suga gaaboyse dooraanama.
9. Kutbe buxa rakisso xisoosa faatacisaanama,
10. Kutbe buxah reeda faatacisaanama,
11. Kukta abnisonuh faxxinta miracsenta yayyaaqueenimi,
12. Komishinerwak meqem kaban miracsenta yayyaaqueenimi,
13. Kutbe buxah edde xinta yayyaaqueenimi.

## **22. Yaakume komishineerik abtoo kee abbootan**

Komishinik yaakume komishineer ciggulta abtoo kee abbootan allele:-

1. Komishin malah buxa gaabosiinul miraacisa
2. Amolladih komishin taama miraacisa.
3. Komishin malah buxah daffeynah ajenxaaxi xayyoysa
4. Faxxintek amokrada daffeynah seeca
5. Kutbe buxak amolladi taama lowsiisa
6. Komishin awlisak rakaakayitteh awlaytit lih angaaraw gexisa
7. Ummattah awlaytiitih malah buxal gabbaaqua xayyoysa
8. Kumishin ku/buxak saqalay faxita mala buxal xayyoysak reedisa

9. Komishin taama abeenit federaalak doolat taama abeeitih madqak amakkaquk tamlisaah, xiinisah.
10. Komishin baajetih essero maaliyyah malaak lih massoysak ummattah awlaytiitih malah buxal xayyoysa.
11. kalah yan komishin malah buxa tacee gersi abtoota gexsiisa.

### **23. Ciggiila yaakume komishineerik abtoo kee abbootan**

Ciggiila yaakume komishin ciggilta abto kee abbootan allele:-

1. Yaakume komishiner edde suge waa waqdi kay aftok taamita
2. Yaakume komishineer kaah yacee abtoota abnisa

### **24. Komishin kutbeh buxa wagsiisak:-**

1/ komishin kutbeh buxa komishineer akke sinni saqal miraacisa

2/ kutbe buxa gersi faxsissa taama abeenit allele

3/kutbe buxak seecimeena yaakume komishineer kinni

### **25. komishin kutbeh buxak abtoo kee masquuliyat**

Komishin kutbeh buxa ciggilta abto kee abbootan allele:-

- 1) Komishin kutbeh buxak rakisso xisne baxisak komishin malah buxal xayyoysak faatacisaanama,
- 2) Komishinik amolladih xiinisso kee maaliyyah ayfaafay yaceenimi
- 3) Komishinik abtoo abbootan faxxintah tan satqo kee gersi ayfaafayitte xayyoysa
- 4) Komishin guumih kutbeey, margaqooqiyy, cisaab maysaqarroori kee gersi oytitte elle faxxinta innal xisak yabbixe,
- 5) Komishinik baajet bicisal yaakume komishineer cataanam kee
- 6) Kalah yan mala buxa akkek yaakume komishin yacee abtoota gexsiisa

**26. kutbe buxah saqalak abtoo kee masquuliyat :-**

**1) kutbe buxah saqal ciggulta abtoo kee abbootan allele:-**

- A. Kutbe buxak rakisso xiso baxisak komishinik mala buxal xayyoysak faatacisaanama
- B. Kutbe buxah abto wagsiisak yhaakume komishiner kee komshinerwa malah buxal gabbaaqu xayyoysa.
- C. Kutbe buxak taamah ekraaro komishin malah buxal xayyoysak faatacisaanam kee,
- D. Ta kuktal kutbe buxah tomcowwe abtoo kee abbootan miraacisak xiinisaanama

**2) kutbe buxah saqoltik seecimeena komishinik yaakume komishineer akkele**

**5<sup>haytoh</sup> exxa**

**Sissin wanooni**

**27. Baajet raceena**

- 1. Komishin baajet doolat madabele
- 2. Ta Maasayyak lani maasayyak (1) gubal wannottem elle daccarsnte innl anuk gersi gaanuun raceenaani geyaanam xiqqintah.
- 3. Doolatak maaliyyah xiinissoh radmoomi rakiibo abak komishin malah buxal faatacisak addah edde xintak amakkaquk komishin baajet xiinisuh duddale curriyat le.

**28. Cisaab maysaqarroori :-**

- 1) Komishin kibneleeh gitah tan cisaab maysaqarra le.
- 2) Komishinik cisaab maysaqarra kee maalut axaw le sanaditte lewannah oxiiter akkek usuk muggaaqise oxiiterwa gabal ummaan sanat fokkaaqisa.

**29. Xinta kee Miracsenta yayyaageenimih abbootan:-**

- 1. Ummattah awlaytiitih malah buxa komishinerwaay, komishin taama abeenitiyy, walaliseenit kee walal gexsxit tangalu wayta xagortih meqem kaban caaloota wagsiisa xinta yayyaaqem xiqqintah.

2. Komishinerwa malah buxa ta kukta kee ta maasayyak lani ,maasayyak (1) amakkaquk tawqu wayta xintitte abnisonuh faxxinta miracsentitte yayyaqem xiqqintah.

**30. Komishin Sanaditte :-**

- 1) Komishinik taamah uddur gaba kala waqdi komishinik taama dabaanal gexisen agatak mabbalow walalitteh uddur massoysen sanaditteey, yibbixen guumi kutbe kee toobisle sanadwa daccarsimak aakah sugta innah ummattah awlkaytiitih malah buxah kutbe buxaay tonnah Itiyoppiyak kitooba buxaaxi kee Laybireerih ayfaafayal tabisaamih abbootan le
- 2) Itiyoppiyak kitooba buxaaxi kee buukaat buxaaxih ayfaafay kaadu komishinik hirge sanaditte gitah abbaxuk, xisak , daffeysam kee sissin hadafah mabul kee edde xaqoysimam faxa mari edde yantifiqem aakah xiiqa innah sahhiloysaamih masquuliyt le.

**31. Cattiimiyyi dirki:-**

Faxe num komishin ta kuktal yomcowwe masquuliytak yawquh yakke angagoyyih addal xayyoysan faxe gaanuun esseroх cattiimiyya abam dirki.

**32. Abbinow alle sinni madqooqi**

Ta kuktal saduh faxe madqooqi tenek ta kuktih addal duudunte caagiidal abto matakka

**32. Ta kukti abinal edde asa wakti**

Ta kukti ummattah awlaytiitih malah buxal edde faatacimeh yan Ciggulta kudok  
29/2021I.LL qembisak taamal asele.

**ADDIS ABABA Agda baxisok 13/2022I.LL**

**Sahle Worqhi Zewxe**

**Federaal Dimokraasih Ripubliik Prezxenti**